


eman ta zabal zazu



Universidad
del País Vasco

Euskal Herriko
Unibertsitatea

**UPV/EHU_n MUGIKORTASUNA SUSTATZEKO ETA
IKERKETAREN EMAITZAK ZABALTZEKO LAGUNTZEN
DEIALDIA
(2019)**

ATARIKOA

Ikerketa bultzatzea eta garatzea dira unibertsitate jardueraren ardatzetako bat. Era berean, ikertzaileen mugikortasuna eta ikerketako emaitzen dibulgazioa ere jarduera garrantzitsuak dira ikerketa lanean. Gauzak horrela, baliabideak eman behar dira ikerketa jarduerak burutzeko. Ikertaldeetan eta lan arloetan hainbat egoera eman daitezkeela kontuan hartuta, komeni da ikertzaileen komunitateari ematen zaizkion baliabideak ere zabalak izatea.

Deialdi honen bidez, unibertsitateko ikertzaileen mugikortasuna eta UPV/EHUⁿ egindako ikerketen emaitzen komunikazio zientifikoa finantzatu nahi dira, besteak beste.

Helburu honetarako 400.000 € bideratuko dira, Eusko Jaurlaritzarekin formalizatutako Bikaintasuneko Ikerketako Kontratu Programaren barruan, "UPV/EHUren lidergoa eta parte hartzea sustatzea", Europar Batasunaren Ikerkuntza programa markoaren barruko ikerketa proiektuetan, "ikerketarako mugikortasun eta egonaldi programak sustatzea", "nazioarteko doktorego tesien egitea bultzatzea" izeneko ekintzetan esleitutako finantzaketari eta Ikerketaren arloko errektoreordetzaren aurrekontu kredituari lotutako aurrekontu kredituari dagozkionak. Kopuru hau gehitu ahal izango da, unean uneko aurrekontu izateen arabera.

Horrela, Ikerketa, Garapen eta Berrikuntza Batzordeak (aurrerantzean IGBB) bere oniritzia eman, eta Gobernu Kontseiluari aurkeztu ondoren, Ikerketaren arloko Errektoreordetzak jarraian zehazten diren diru laguntzak emateko deialdia argitaratzea erabaki du. Modalitate hauek daude:

- ❑ **I. modalitatea: ikertzaileen mugikortasuna, 30-150 egunetako egonaldietan.**
- ❑ **II. modalitatea: nazioarteko elkarte zientifikoetako zuzendaritza organoetan parte hartu.**
- ❑ **III. modalitatea: Nazioarteko ikerketa proiektuetan parte hartzea sustatu.**
- ❑ **IV. modalitatea: kongresu zientifikoak antolatu.**
- ❑ **V. modalitatea: Ekintza bereziak.**
- ❑ **IV. modalitatea: Ikertzaileen mugikortasuna, zientzia, teknologia eta berrikuntzarako euskal sareko eragileetan (ZTBES) 15-90 egunetako egonaldiak egiteko.**

1. oinarria. DEIALDIAREN HELBURUA

Deialdi honen bidez, batetik, unibertsitateko ikertzaileen mugikortasunerako jarduerak erraztu eta indartu nahi dira, eta, bestetik, ikerketako emaitzen difusioa bultzatu nahi da, UPV/EHUⁿ estatu eta nazioarteko mailako biltzarrak antolatuz.

2. oinarria. DEIALDI HONETAN AURREIKUSITAKO LAGUNTZEN ONURADUN IZATEKO EZINTASUNAK

Ezin izango dituzte deialdi honen baitako laguntzak eskatu egoera hauetakoren batean dauden pertsonak:

- i. Epai irmoz kondenatuta daudenak diru laguntza edo laguntza publikorik jaso ezin izatera.
- ii. Diru laguntzaren bat itzultzera behartuta egonik, diru guztia itzuli ez dutenak.
- iii. Ebazpen irmo bidez zigortuta daudenak, lege honen edo beste lege batzuen arabera, diru laguntzak ez jasotzera.

Deialdi honetako IV. eta V. modalitateetan aurreikusitako laguntzen xede diren jarduerak egin nahiko dituzten ikertaldeak ezin izango dira onuradun izan, baldin eta taldeko kideren bat aipaturiko egoeraren batean badago.

I. MODALITATEA: ikertzaileen mugikortasuna, 30-150 egunetako egonaldietan.

3. oinarria. EGONALDIEN HELBURUA

Modalitate honen bidez, ikertzaileei egonaldiak egiteko beste ikerketa zentro batzuetara joateko bidea erraztu nahi zaie. Egondiek gutxienez 30 eta gehienez 150 egun naturaleko iraupena izango dute, eta helburu bakar bat: ikerketa jarduerak burutzea, bereziki nazioarteko doktorego tesiak.

4. oinarria. ESKATZAILEEN ETA MUGIKORTASUNERAKO HARRERA GUNEAREN EZAUGARRIAK

Ikertzaileek laguntza hauek jaso ahal izango dituzte, baldin eta UPV/EHUrekiko enplegu loturaren motaren baldintzak eta 4.1 eta 4.2 ataletan jasotako baldintza partikularrak betetzen badituzte.

4.1. UPV/EHUrekiko lotura motak:

- a. UPV/EHUekin lotutako lan kontratudunak edo funtzionarioak, UPV/EHUⁿ kontratatuta dauden Ramón y Cajal programako langileak, UPV/EHUrak atxikita dauden Ikerbasque programako langileak, UPV/EHU-CSIC zentro mistoetako doktore atxikiak eta irakasle atxikiak. Lanaldi osora egongo dira guztiak.
- b. Langile ez iraunkorrak, UPV/EHUⁿ gutxienez urtebete daramatenak, haien kontratua edo lotura UPV/EHUekin indarrean egongo bada, gutxienez, mugikortasuna amaitu arte.

Ondorio horretarako, besteak beste, hauek hartuko dira langile ez iraunkortzat:

- i. UPV/EHUren deialdietako doktoratu ondoko ikertzaileak.
- ii. Zientzia, Teknologia eta Berrikuntzari buruzko 14/2011 legearen 21. (doktorego aurreko kontratuak), 22. (doktoreak) eta 23. (itzal handiko ikertzaileak) artikuluetan ezarritako kontratu modalitateen bidez UPV/EHUekin lotura duten ikertzaileak.

Ezin izango dute deialdi honetan parte hartu 14/2011 Legearen 21. eta 22. artikuluetan ezarritakoaren arabera lotura duten eta UPV/EHUkoak ez diren (Ministerioa, Eusko Jaurlaritza...) deialdietako langileek, non eta doktore aurreko edo doktore ondoko kontratua eman zien erakunde horretan mugikortasunetarako hornidura espezifikorik ez duten deialdietatik etorritako pertsonala den. Arduraldi partzialeko kontratua duten irakaskuntza pertsonala ere ezin izango da lehiatu.

4.2. Eskatzaileen baldintza partikularrak:

- a. UPV/EHUⁿ egiten ari den ikerketa proiekturen batean edo ikerketan diharduen ikertaldereen batean aritzea, finantzatuta edo finantzatu gabe egonik, ikerketa proiektu hori UPV/EHUren berezko deialdietakoa edo beste hauek egindako deialdietakoa izanda: Eusko Jaurlaritza, I+G+b Plan Nazionala edo Europar Batasuna. Eta UPV/EHU denean proiektuaren finantzazioen onuraduna izanda. Salbuetsita egongo dira Eusko Jaurlaritzaren mugikortasun laguntza eska dezaketanak, salbu eta, eskaria eginda, finantzaketarik lortu ez badu.

Doktore aurreko eta ondoko laguntzak ez dira proiektu aktibotzat joko baldintza hori betetzeari begira. Salbuespen bakarrak Ramón y Cajal eta Juan de la Cierva ("Inkorporazio" modalitatea) programaren deialdietako laguntzak izango dira, proiektu jakin bat garatzeko finantzaketa barne hartzen baitute, kontratuaren beraren finantzaketaz gain.

- b. Laguntzarik ez jaso izana, ez deialdi honetan, ez antzeko besteren batean, bost hilabetez baino gehiagoz, 2018ko urtarriletik 2019ko abendura arte.

Egindako egonaldien aldi metatua bost hilabete baino gutxiagokoa bada, 150 egunetara heltzeko geratzen diren egunetarako eskatu ahal izango da laguntza.

4.3. Harrera gunearen eta UPV/EHUko ikertzailea hartuko duen pertsonaren ezaugarriak.

- a. Harrera guneak dira laguntzen onuradunak mugikortasun egonaldian zehar hartuko dutenak eta proiektua bertan egingo dute. Harrera guneak izan daitezke bai unibertsitateak bai bestelako guneak, baldin eta ikerketa jarduerak egiten badituzte eta diru laguntzaren eskaeran adierazitako proiektuaren arlo zientifikoan prestigio akademikoa eta ikerketakoa badute; hartara, proiektuaren helburu zientifikoak eta hobekuntza profesionala lortzeko bermeak eskainiko dira.

- b. Harrera guneez, edonola ere, bizilekuz aldatzea eskatuko diote hautagaiari mugikortasunak iraun bitartean.
- c. Harrera gunearen arduradunak ikerketa esperientzia handia izango du, ikerketa arlo jakin horretan.

5. oinarria. LAGUNTZEN ZENBATEKOA ETA IZAERA

5.1. Ostatu eta mantenu gastuak ordaintzeko laguntzen zenbatekoa egonaldia zein herritan egingo den eta zenbat egun naturalekoa izango den kontuan hartuz zehaztuko da. 30 euro ordainduko dira egonaldiko egun ziurtatu bakoitzeko, hasieran baimendutako aldia kontuan hartuta.

Horrez gain, beste kopuru bat ordainduko da, joan-etorriko bidaia bati aurre egiteko, honela banatuta:

Jatorritik helmugara bitarteko distantzia	Gehieneko kopurua
1.000 km arte	300 euro
1.001 eta 2.500 km bitartean	600 euro
2.501 eta 11.000 km bitartean:	1.000 euro
10.000 km baino gehiago	1.200 euro

200 eurotako gehigarri bat emango da, bisatu bat izapidetzea beharrezkoa den joan-etorrietarako.

Bidaia laguntzak ez du barne hartuko tokiko garraioa.

Ez da finantzaketa gehigarririk emango mediku aseguruaren kontrataziorako, ikertzaileak mota honetako aseguruak eskatzen dituzten herrialdeetara bidaiatzen badu.

4.1.b.ii atalean aipatutako prestakuntza bidean dauden ikertzaileen kasuan (3.1.b.iii atalekoak Zientzia, Teknologia eta Berrikuntzari buruzko 14/2011 Legeko 21. artikulua bidez kontratatutako kasuan, egonaldien gehieneko iraupena, otorduetarako laguntzen gehieneko zenbatekoa eta joan-etorrietarako laguntza Eusko Jaurlaritzak ikertzaileak prestatzeko doktorego aurreko programaren barruan egonaldietarako urtero egiten duen deialdian zehaztutakoa izango da.

5.2. Aurreko ataletan joan-etorri, lojamendu eta mantenu bideratu eta adierazitako gehieneko zenbatekoak gorabehera, laguntzen zenbatekoak eta horiek justifikatzeko moduak bat etorriko dira **joan-etorria hastean indarrean dagoen UPV/EHUren barne arautegiak zerbitzuengatiko kalte-ordainei** buruz dioenarekin.

5.3. Laguntza hauek bateragarriak dira egonaldietako gasturik onartzen duten deialdietatik etorritako beste batzuekin, beti ere, ez badira administrazio publikoek egonaldiak espezifikoki finantzatzeko helburuz deitutako deialdiak. Nolanahi ere, gastuak justifikatu beharko dira beti jatorrizko fakturekin.

6. oinarria. ESKAERAK AURKEZTEKO EPEAK

6.1. Eskaera ikertzaileak egin beharko du bere izenean, eta atxikita dagoen saileko edo institutuko kontseiluaren onospena izan beharko du.

6.2. Eskarrietan honako hauek ageriko dira:

- a. Eskaera, inprimaki normalizatuan, harrera gunera joateko bidaia egin baino bi hilabete lehenago aurkeztu beharko dena, gutxienez. Horren ondoren aurkeztuz gero, %75eko aurrerakina jasotzeko eskubidea gal daiteke, horren likidazioa egonaldia amaieran zuzenean eginda.
- b. Harrerako ikerketa guneko arduradunaren onarpen gutuna. Gutun hori eskuz sinatuta egongo da, edo baimendutako sinadura digitala izango du. Ez dira onartuko, inola ere, eskaneatutako gutunak.
- c. Harrera gunean harrera egingo duen ikertzailearen curriculum. Soilik modu telematikoan aurkeztuko da.

- d. Lizentzia edo Irakasle-ikertzaileen arloko Errektoreordetzari lizentzia eskatu izanaren frogagiria. Edonola ere, baimena emana egongo da, deialdi honetako 39.1 oinarrian ezarritako laguntzaren aurrerakina jasotzeko.
- e. Bisatua behar den kasuetan, hura eskatu izanaren ziurtagiria. Edonola ere, bisatua eduki beharko da, deialdi honetako 39.1 oinarrian ezarritako laguntzaren aurrerakina jasotzeko.
- f. Horrez gain, prestatzen ari diren ikertzaileek doktorego tesiaren zuzendariaren edo zuzendarien baimena aurkeztu beharko dute.
- g. Ikertzaile eskatzailearen curriculuma.
- h. Zinpeko aitortpena, non adieraziko baita eskatzailea ez dagoela deialdi honetako 2. oinarrian aurreikusitako egoeraren batean.

6.3. Eskariak aurkezteko epea: ikus deialdi honetako 35.1 oinarrian xedatutakoa.

6.4. Laguntza hauek jasotzeko hautagaiek eskaera dokumentuen bi kopia bidaliko dituzte:

- a. Ale bat, modu telematikoan, helbide honetara: 10_convocatorias.dgi@ehu.eus.
- b. Beste bat, paperean erregistro bidez, helbide honetara:

Ikerketaren arloko Errektoreordetza
Deialdi atala
Errektoregoaren Eraikina
Leioa

7. oinarria. ESKABIDEAK EBALUATZEKO IRIZPIDEAK

Honako hauek dira esleipendunak hautatzeko kontutan hartuko diren alderdiak:

- a. Harrera gunean harrera egingo duen ikertzailearen curriculuma (35 puntu).
- b. Eskaera egin duen ikertzailearen curriculuma, kolektibo bakoitzaren kategoria profesionalaren arabera kalkulatu dena (35 puntu).
- c. Egonaldian egin beharreko ikerketa jarduera/proiektuaren balioespina (30 puntu).

Finantzazioa jasotzeko begira, eskaera hautagarria izan dadin, eskaerak 75 puntu lortu behar ditu, gutxienez.

II. MODALITATEA: nazioarteko elkarte zientifikoetako zuzendaritza organoetan parte hartzea.

8. oinarria. LAGUNTZAREN HELBURUA

Modalitate honen helburua UPV/EHuko ikertzaileek nazioarteko elkarte zientifikoek zuzendaritza organoetan parte har dezatela sustatzea da.

9. oinarria. ESKATZAILEEN EZAUGARRIAK

UPV/EHuko ikertzaileek eska ditzakete laguntza hauek, betiere, lotura motaren baldintza hau betetzen badute:

UPV/EHurekiko lotura motak:

UPV/EHurekin lotutako lan kontratudun edo funtzionarioak, Zientzia, Teknologia eta Berrikuntzari buruzko 14/2011 legearen 23. artikulua arabera kontratatutako pertsonala (itzal handiko ikertzaileen kontratua), UPV/EHUn Ramón y Cajal programaren barruan kontratatutako pertsonala, Ikerbasque programari atxikitako pertsonala, UPV/EHU eta CSICen arteko gune mistoetara atxikitako pertsonal doktorea eta irakasle atxikiak edo lehenago izandako bitarteko lan kontratudunak, lanpostu iraunkor baterako akreditatuta egonez gero, hauek guztiauek arduraldi osokoak izanik.

10. oinarria. LAGUNTZEN ZENBATEKOA ETA IZAERA

10.1. Honako gastu hauek sartuko dira: nazioarteko elkarte zientifikoek zuzendaritza organoen biltzarretara joateari eta horietan parte hartzeari loturiko bidaia, ostatu eta mantenu gastuak. Gastu horiek eskatzailearen izen-deituraz eta NAN zenbakiaz agertuko dira. Ez da UPV/EHUREN izenean jarritako gasturik. Diru laguntzaren zenbatekoa bilera egingo deneko herriaren arabera zehaztuko da.

10.2. Esleituko diren zenbatekoek balio maximo hauek izango dituzte:

- Espainiako Estatuko herriak: 800 € eskaera bakoitzeko.
- Europako herriak: 1.300 € eskaera bakoitzeko.
- Europatik kanpoko herriak: 1.900 € eskaera bakoitzeko.

10.3. Norberaren ibilgailua erabiliz gero, eta gehienez ere 2.000 km-tara arte (joan-etorria), kilometro kopuruari dagokion tarifa aplikatuko da, 10.5. atalean adierazitakoaren arabera.

10.4. Laguntzaren esleipena eta ordainketa finkatutako prozeduraren arabera egingo dira, eta interesdunek, egindako gastuen jatorrizko egiaztagiriekin batera, biltzarrean parte hartu izanaren ziurtagiri bat aurkeztu beharko dute, biltzarra deitu duen erakundeak igorria.

10.5. Aurreko ataletan adierazitako gehieneko zenbatekoak gorabehera, laguntzen zenbatekoak eta horiek justifikatzeko moduak bat etorriko dira joan-etorria hastean indarrean dagoen UPV/EHUREN barne arautegiak zerbitzuengatik kalte-ordainei buruz dioenarekin.

10.6. Laguntza hauek ez dira bateragarriak administrazioak eman dezakeen beste edozein diru laguntzarekin, baldin eta helburu bera badute.

11. oinarria. ESKAERAK AURKEZTEKO EPEAK

11.1. Eskaera ikertzaileak egin beharko du bere izenean eta atxikita dagoen saileko edo institutuko kontseiluaren onspena izan beharko du.

11.2. Eskarrietan honako hauek ageriko dira:

- a. Eskaera, inprimaki normalizatuan. Elkarte zientifikoak antolatutako biltzarra hasi baino gutxienez 30 egun lehenago aurkeztu beharko da inprimakia.
- b. Dagokion baimenaren emakida, eskaera egin aurretik.
- c. Bileraren deialdi ofizialaren kopia eta dagozkion zuzendaritza organoetako kide izatearen egiaztagiriaren kopia.
- d. Ikertzaile eskatzailearen curriculum.

11.3. Deialdi honetako modalitate hau era deszentralizatuan gauzatzen da; hortaz, eskaerak dagozkion campusetan aurkeztu beharko dira. Hona hemen helbideak:

- **Arabako Campusa:** Arabako Campuseko errektoreordeari zuzenduta.
Izardui komandantea K. 2. 01005 Gasteiz
- **Bizkaiko Campusa:** Bizkaiko Campuseko errektoreordeari zuzendua. Eskaera telematikoki egingo da, Bizkaiko Campuseko Errektoreordetzaren webgunearen bidez:
<http://www.ehu.eus/eu/web/bizkaia/bidai-poltsak>
- **Gipuzkoako Campusa:** Gipuzkoako Campuseko errektoreordeari zuzendua. Eskaera telematikoki egingo da, Gipuzkoako Errektoreordetzaren webgunearen bidez.
<http://www.ehu.eus/eu/group/gipuzkoa/deialdiak/>

11.4. Eskariak aurkezteko epea: Ikus 35.1. oinarrian ezarritakoa.

12. oinarria. ESKABIDEAK EBALUATZEKO IRIZPIDEAK

Laguntzak esleitzeko proposamenak campus bakoitzean egingo dira, eta campuseko errektoreordeek izendatutako batzordeek egingo dituzte.

Irizpide hauen arabera ebaluatuko dira eskaerak:

- a. Elkarte zientifikoaren garrantzia (50 puntu).
- b. Eskaera egin duen ikertzailearen curriculum, kolektibo bakoitzaren kategoria profesionalaren arabera (50 puntu).

Finantzazioa jasotzeari begira, eskaera hautagarria izan dadin, eskaerak 75 puntu lortu behar ditu, gutxienez.

III. MODALITATEA: Nazioarteko ikerketa proiektuetan parte hartzea sustatu.

13. oinarria. LAGUNTZEN HELBURUA

Modalitate honen bidez, nazioarteko partzuergoetan ikertzaileen partaidetza sustatu nahi da, baldin eta partzuergo horien helburua bada nazioarteko programetarako proiektuen inguruko proposamenak prestatzea eta, bereziki, Horizonte 2020 deialdietan parte hartzea, baita nazioarteko plataforma, sare eta elkarteetan ere.

14. oinarria. ESKATZAILEEN EZAUGARRIAK

Laguntza hauek UPV/EHUko ikertzaileek eska ditzakete, betiere, baldintza hauek betetzen badituzte:

- a. UPV/EHUrekin lotutako lan kontratudun edo funtzionarioak, Zientzia, Teknologia eta Berrikuntzari buruzko 14/2011 legearen 23. artikulua araberako kontratatutako pertsonala (itzal handiko ikertzaileen kontratua), UPV/EHUⁿ Ramón y Cajal programaren barruan kontratatutako pertsonala, Ikerbasque programari atxikitako pertsonala, UPV/EHU eta CSICen arteko gune mistoetara atxikitako pertsonal doktorea eta irakasle atxikiak edo lehenago izandako bitarteko lan kontratudunak, lanpostu iraunkor baterako akreditatuta egonez gero, hauek guztiauek arduraldi osokoak izanik.
- b. UPV/EHUⁿ bertan burutzen ari den jarduneko proiektu edo ikertalderen batean parte hartzea, UPV/EHUren berezko deialdietan, Eusko Jaurilaritzakoetan, I+G+B Plan Nazionalekoetan edo Europar Batasunekoetan, UPV/EHU izanik proiektuen finantzaketaren onuraduna.

Doktore aurreko eta ondoko laguntzak ez dira proiektu aktibotzat joko baldintza hori betetzeari begira.

Salbuespen bakarrak izango dira proiektu jakin bat garatzeko finantzazioa barne hartzen duten Ramón y Cajal, Juan de la Cierva ("Inkorporazioa" modalitatea) eta Ikerbasque programen laguntzak.

15. oinarria. LAGUNTZEN ZENBATEKOA ETA IZAERA

15.1. Laguntzen zenbatekoak burututako jardueraren arabera zehaztuko dira, eta 2019ko urtarrilaren 1etik abenduaren 31 bitartean burututako jarduerari lotutako bidaia, ostatu eta mantenu gastuak finantzatzeko emango dira.

Burututako jardueraren arabera esleituko diren zenbatekoek gehieneko balio hauek izango dituzte:

- a. Koordinatzaile gisa proiektu proposamen bat aurkeztu izana nazioarteko programa batean; bereziki, Horizonte 2020 deialdietan: 3.500 € gehienez, aurkeztutako proposamen bakoitzeko. Laguntza horri beste 3.000 € gehitu ahal izango zaizkio, proposamena prestatzeko kontratatutako diren aholkulariei zerbitzu sariak ordaintzeko.
- b. Nazioarteko bileretan parte hartu izana, bileren helburua izan bada partzuergo bat sortzea proiektu proposamen bat aurkezteko nazioarteko programa batean; bereziki, Horizonte 2020 deialdietan: 1.900 € gehienez, aurkeztutako proposamen bakoitzeko.
- c. Nazioarteko plataforma teknologikoen, sareen eta elkarten bileretan parte hartu izana, horien helburua izan bada UPV/EHUrentzat interesgarriak diren I+G+Bko estrategia kolektibo sektorialak sustatzea: 1.900 € gehienez, akreditatutako kide bakoitzeko.
- d. Erakunde ofizialek work programmes direlakoak eta proposamenak ebaluatzeko irizpideak parte hartzaileei ulertarazten laguntzeko antolatutako topaketetan parte hartu izana. Topaketa horiek ideien eta esperientzien trukea erraztu, eta partzuergo bat osatzeko balizko kideak ezagutzeko aukera ematen dute: 1.400 € gehienez, ikertalde bakoitzeko.

15.2. Laguntza hauek bateraezinak dira administrazioak helburu berarekin eman ditzakeen beste diru laguntza batzuekin.

16. oinarria. ESKAERAK AURKEZTEKO EPEAK

16.1. Eskaera ikertzaileak norberaren izenean bidali beharko du proyectoseuropeos@ehu.eus helbide elektronikora.

16.2. Eskarietan honako hauek ageriko dira:

- a. Eskaera, inprimaki normalizatuan.
- b. Sail edo institutuko zuzendariaren baimena.
- c. Laguntzaren xede den jardueran parte hartzeko gonbidapen gutuna.
- d. Ikertzaile eskatzailearen curriculuma.

16.3. Eskariak aurkezteko epea: ikus deialdi honetako 35.1 oinarrian xedatutakoa.

17. oinarria. ESKABIDEAK EBALUATZEKO IRIZPIDEAK

17.1. Irizpide hauen arabera ebaluatuko dira eskaerak:

- a. Egin beharreko jardueraren garrantzia:
 - i. Nazioarteko programaren bateko deialdian elkarlaneko proiektu baterako proposamena aurkeztea koordinatzaile gisa (60 puntu).
 - ii. Nazioarteko batzarretan parte hartzea. Batzar horien xedea partzuergo bat eratzea izango da, nazioarteko programaren batean proiektu proposamen bat aurkezteari begira (40 puntu).
 - iii. Nazioarteko plataformetako bileretan parte hartzea (40 puntu).
 - iv. Erakunde ofizialek work progammes eta proposamenak ebaluatzeko irizpideak ulertarazteko antolatutako topaketetan parte hartu izana (40 puntu).
- b. Eskaera egin duen ikertzailearen curriculuma, kolektibo bakoitzaren kategoria profesionalaren arabera (60 puntu).

17.2. Finantzazioa jasotzeari begira, eskaera hautagarria izan dadin, eskaerak 75 puntu lortu behar ditu, gutxienez.

IV. modalitatea: Kongresu zientifikoak antolatzea

18. oinarria. BILTZARRAK ANTOLATZEKO LAGUNTZEN HELBURUA

Modalitate honen bidez, biltzar zientifikoaren antolaketa bultzatu nahi da UPV/EHUⁿ, nazioartean gure unibertsitatearen irudia eta presentzia areagotze aldera.

19. oinarria. KONTRATUEN EZAUGARRIAK

Biltzar zientifikoak antolatzeko laguntzak eskatzeko, baldintza hauek bete beharko dira:

- a. Ahal dela, biltzarrak UPV/EHUren instalazioetan egin eta biltzarren antolatzaile gisa UPV/EHU agertzea. Salbuespen gisa, biltzar bat UPV/EHUtik kanpo egin ahal izango da, behar bezala justifikatuz gero.
- b. Ekitaldiek nazioarte edo nazio mailakoa izan behar dute, eta ebaluazio batzordeak baloratu beharko du garrantzi zientifikoa. Estatuko edo nazioarteko izaera deialdi honetako 23.a oinarrian ezarritakoaren arabera egiten den ebaluazioan zehaztuko da.
- c. Batzorde zientifikoa edukitzea. Batzorde horrek deialdi ireki baten bidez jasotako txostenak ebaluatu eta hautatuko ditu.
- d. Kongresua txandaka estatuko edo nazioarteko beste unibertsitate zein ikerguneetan antolatu edo egingo da.
- e. Biltzarren aurrekontua inskripzio kuotekin finantzatuta egotea nahitaez. Kuoten edo babesle pribatuen bidez lortutako finantzaketa osoa biltzarreko aurrekontuaren % 50 izango da gutxienez.
- f. Kanpoko erakunde batek biltzarra diruz laguntzen badu edo inskripzio kuotak biltzen baditu UPV/EHUren bankuko kontuetan sarrerarik eragin gabe, zenbateko hori biltzarren aurrekontuan sartuko da ondorio guztietarako, UPV/EHUren kontabilitate ofizialean ez islatzeko aukera eragotzi gabe.

20. oinarria. IKERTALDE ESKATZAILEEN EZAUGARRIAK

Ikertaldeen 20.1 atalean jasotzen diren UPV/EHUrekiko lotura motari dagozkion baldintzetako bat betetzen duten osakideak izango dituzte eta, ikertaldeen 20.2 atalean zehazten dituen baldintzak beteko:

20.1. UPV/EHUrekiko lotura motak:

- a. UPV/EHUekin lotutako lan kontratadun edo funtzionarioak, Zientzia, Teknologia eta Berrikuntzari buruzko 14/2011 legearen 23. artikulua arabera kontratatutako pertsona (itzal handiko ikertzaileen kontratua), UPV/EHUⁿ Ramón y Cajal programaren barruan kontratatutako pertsona, Ikerbasque programari atxikitako pertsona, UPV/EHU eta CSICen arteko gune mistoetara atxikitako pertsona doktorea eta irakasle atxikiak edo lehenago izandako bitarteko lan kontratadunak, lanpostu iraunkor baterako akreditatuta egonez gero, hauek guztiauek arduraldi osokoak izanik.
- b. Langile ez iraunkorrak, baldin eta UPV/EHUrekiko haien kontratua edo lotura indarrean badago gutxienez biltzarra amaitu arte.

Horren harira, besteak beste, honako hauek izango dira langile ez iraunkorrak:

- i. Zientzia, Teknologia eta Berrikuntzari buruzko 14/2011 Legearen 21. (doktorego aurreko kontratuak) eta 22. (doktoreak) artikuluetan ezarritako kontratu modalitateen bidez UPV/EHUekin lotura duten ikertzaileak.
- ii. UPV/EHUren eta Eusko Jaurlaritzaren deialdietako doktoratu ondoko ikertzaileak.

Prestakuntza bidean dauden doktorego aurreko ikertzaileei dagokienez, doktorego tesiaren zuzentzaileak kongresuaren ardura daraman taldeko kide beharko du izan.

- c. Unibertsitatearen arautegian ezarritako prozeduren arabera, ikerkuntzarako lankide akademikoak.

20.2. **Ikertaldeak osatzeko baldintzak:**

- a. Ikertaldeak, gutxien dela, 20.1.a. atalean aipatutako kolektiboetako hiru ikertzaile doktore izango ditu osakide.
- b. Hiru kideek UPV/EHUn bertan burutzen ari den proiektu edo ikertalderen batean parte hartu beharko dute, eta delako proiektuak UPV/EHUn berezko deialdietakoa, Europar Batasuneko, I+G+B Plan Nazionalekoa edo Zientzia, Teknologia eta Berrikuntzarako Euskal Planeko izan beharko du.
- c. 20.2.a atalean aipatutako hiru kideetako bat izango da eskaeraren koordinatzailea. Pertsona horrek koordinatzaile gisa agertu beharko du biltzarra bera finantzatzeko beste erakunde batzuetan aurkezten diren eskabide guztietan.

21. oinarria. LAGUNTZEN ZENBATEKOA ETA IZAERA

21.1. Esleituko den laguntzaren zenbatekoa jarduera burutzeko kontabilizatutako gastu osoaren % 25 izango da, gehienez. Zenbatekoa ez da inoiz izango 6.000 €-tik gorakoa, nazioarteko biltzarren kasuan, ezta 3.000 €-tik gorakoa ere estatuko biltzarren kasuan, eta 19.e oinarrian kuota eta babesletza pribatu kontabilizatupei buruz ezarritako % 50eko muga errespetatuko da. Nolanahi ere, laguntzaren zenbatekoa kuota ordaindu duten pertsonen kopuruaren arabera izango da. Hortaz, justifikazioa egiterakoan, ziurtagiri bat aurkeztu beharko da, kongresura joandakoen eta ordaindutako kuoten kopuruak azalduz bai eta egindako gastu eta dirusarrera guztiak ere, hautagarriak izan zein ez.

21.2. UPV/EHUKo langileei ezin izango zaizkie ordaindu ezelako soldata osagarriak edo ordainsariak, deialdi honen laguntzak jasotzen dituzten biltzarretan parte hartzeagatik. Ezingo dira kongresuko gastu gisa jo hizlarietara egindako ordainketak.

21.3. Laguntza hauek bateraezinak dira UPV/EHUK helburu berarekin eman ditzakeen beste diru laguntza batzuekin.

Kongresua amaitu ondoren superabita izanez gero, Ikerketaren arloko Errektoreordetzak hartuko du.

21.4. Kongresu bati esleitutako laguntzaren erabilera honako muga hauek izango ditu:

- a. Esleitutako laguntza biltzarrerako erabiliko da, inskripzio kuotak kobratzen diren eta benetan jasotako babesletza pribatuen proportzio berean.
- b. Eskaeran aurreikusitakoaren aurka, kuotak kobratuko ez balira, Errektoreordetzak laguntzaren zati bat kendu ahal izango du, kobratutako kuoten benetako ehunekora egokituta.
- c. Diru laguntza ez da erabiliko otorduak, ekintza ludikoak, protokolo gastuak edo partaideentzako opariak ordaintzeko, ez baitira gastu hautagarritzat joko. Dena den, gastu hautagarritzat joko da "coffee break" delakoa.
- d. Halako gasturik egonez gero, UPV/EHUK ordaindutakoaz gaindiko finantzaketarekin eta halako gastuak berariaz kanpo uzten ez dituzten beste laguntza batzuekin bakarrik ordaindu ahal izango dira. Hautagarriak ez direnez, gastu horiek ez dira aintzat hartuko inskripzio kuoten eta babesletza pribatuen % 50 kalkulatzeko.
- e. Gastuen artean ikasleei laguntzak ematea aurreikusten bada, gastu hori hautagarritzat hartzeko ezinbestekoa izango da diru kopuruak eta horiek emateko irizpideak aipatzea eskaeran eta biltzarraren dokumentazioan.

22. oinarria. ESKAERAK AURKEZTEKO EPEAK

22.1. Eskaera jarduera koordinatzen duen ikertzaileak aurkeztu beharko du.

22.2. Eskarrietan honako hauek ageriko dira:

- a. Eskaera, inprimaki normalizatuan. Biltzarra hasi baino gutxienez bi hilabete lehenago aurkeztu beharko da inprimakia.
- b. Biltzarraren aurreko egitaraua, batzorde zientifikoaren eta batzorde antolatzailearen zerrenda, eta txostenen deialdia (*call for papers*).

- c. Ikertaldeak dituen baterako finantzaketari buruzko dokumentuak (emanak edo eskatuak).
- d. Kongresuaren aurrekontu osoa justifikatzen duen dokumentazioa.
- e. Talde eskatzaileko bi kideren curriculum osoa.
- f. Kongresua UPV/EHUren aretoetan egiten ez bada, horren justifikazioa.
- g. Taldeko kide guztiek sinatutako zinpeko aitortpena, non adieraziko baita eskatzailea ez dagoela deialdi honetako 2. oinarrian aurreikusitako egoeraren batean.

22.3. Eskariak aurkezteko epea: ikus deialdi honetako 35.1 oinarrian xedatutakoa.

22.4. Laguntza hauek jasotzeko hautagaiek eskaera dokumentuen bi kopia bidaliko dituzte:

- a. Ale bat, modu telematikoa, helbide honetara: convocatorias.dgi@ehu.eus.
- b. Beste bat, paperean erregistro bidez, helbide honetara:

Ikerketaren arloko Errektoreordetza
Deialdi atala
Errektoregoaren Eraikina
Leioa

23. oinarria. ESKABIDEAK EBALUATZEKO IRIZPIDEAK

Esleipendunak hautatzeko, kontuan hartuko dira irizpide hauek:

- a. Biltzarraren kalitatea eta aintzatespena nazioartean (35 puntu).
- b. Jarduerak batera finantzatzeko funtsak izatea (30 puntu).
- c. Talde eskatzailearen ekoizpen zientifikoa (35 puntu).

Finantzazioa jasotzeari begira, eskaera hautagarria izan dadin, eskaerak 75 puntu lortu behar ditu, gutxienez.

V. MODALITATEA: Ekintza bereziak

24. oinarria. HELBURUA

Modalitate honen bidez, ikerketa jarduerari loturiko esku hartze berezi eta puntualen bat eskatzen duten helburu zientifikoak ordaindu nahi dira.

Ez dira "ekintza berezizat" hartuko honako hauek:

- Kanpoko elkarte edo erakunde baten finantzaketa, aurretik den proiektu batekin zuzeneko lotura izan arren.
- Azpiegiturak eskuratzea, aldatzea edo handitzea.
- Ikerketa proiektu berrizat edo abian den proiektu baten osagarritzat har daitekeen ikerketa jarduera.
- Ikastaroak antolatzea eta haietara joatea.
- Workshopak antolatzea.
- Ikerketa guneeetan egonaldiak egitea.
- Ikerketa jardueran sortutako ikerketako emaitzak argitaratzea, salbu JCR, Scopus edo antzeko sailkapenen goi inpakturako aldizkarietarako eta egileetako inork ez duenean parte hartzen finantzaketarik duen ikerkuntza jardueretan.
- Kanpoko zerbitzuak kontratatzea.

Aurretik ezarritako hori alde batera utzi gabe, IGBBk proposatutako ekintza bereziak apartekoak edo salbuespenekoak diren aztertuko du oso kasu zehatzetan.

25. oinarria. IKERTALDE ESKATZAILEEN EZAUGARRIAK

Ikertaldeek 25.1 atalean jasotzen diren UPV/EHUrekiko lotura motari dagozkion baldintzetako bat betetzen duten osakideak izango dituzte eta, ikertaldeak osatzeko 25.2 atalean zehazten dituen baldintzak beteko:

25.1. UPV/EHUrekiko lotura motak:

- a. UPV/EHUekin lotutako lan kontratudun edo funtzionarioak, Zientzia, Teknologia eta Berrikuntzari buruzko 14/2011 legearen 23. artikulua arabera kontratatutako pertsonala (itzal handiko ikertzaileen kontratua), UPV/EHUⁿ Ramón y Cajal programaren barruan kontratatutako pertsonala, Ikerbasque programari atxikitako pertsonala, UPV/EHU eta CSICen arteko gune mistoetara atxikitako pertsonal doktorea eta irakasle atxikiak edo lehenago izandakoak, lanpostu iraunkor baterako akreditatuta egonez gero, hauek guztiauek arduraldi osokoak izanik.
- b. Langile ez iraunkorrak, baldin eta UPV/EHUrekiko haien kontratua edo lotura indarrean badago gutxienez ekintza berezia amaitu arte.

Horren harira, besteak beste, honako hauek izango dira langile ez iraunkorrak:

- i. Zientzia, Teknologia eta Berrikuntzari buruzko 14/2011 Legearen 21. (doktorego aurreko kontratuak) eta 22. (doktoreak) artikuluetan ezarritako kontratu modalitateen bidez UPV/EHUekin lotura duten ikertzaileak.
 - ii. UPV/EHUren eta Eusko Jaurlaritzaren deialdietako doktoratu ondoko ikertzaileak.
- Prestatzen ari diren doktorego aurreko ikertzaileen kasuan, beren doktorego tesiaren zuzendariak proiektuaren taldeko kide izan behar du.
- c. Unibertsitatearen arautegian ezarritako prozeduren arabera, ikerkuntzarako lankide akademikoak.

25.2. **Ikertaldeak osatzeko baldintzak:**

- a. Ikertalde eskatzailea deialdi honen 25.1.a atalean adierazitako kolektiboetako hiru ikertzaile doktorek osatuko dute, gutxienez.
- b. UPV/EHUⁿ bertan burutzen ari den jarduneko proiektu edo ikertalderen batean parte hartzea, UPV/EHUren berezko deialdietakoa, Eusko Jaurlaritzakoa, I+G+B Plan Nazionalekoa edo Europar Batasuneko, UPV/EHU izanik proiektuen finantzaketaren onuraduna, salbu eta finantzaketarik ez duten ikerketa jardunen emaitzen inguruan inpaktu handiko aldizkarietan egindako argitalpenek eragindako gastuak badira.
- c. 25.2.a atalean aipatutako hiru kideetako bat eskaeraren koordinatzailea izango da.

26. oinarria. LAGUNTZEN ZENBATEKOA ETA IZAERA

26.1. Laguntzen gehieneko zenbatekoa 3.000 eurotako izango da.

26.2. Mugikortasun deialdi honen onura jasotzen duten ekintza berezietan parte hartzen duten UPV/EHUko langileei ez zaizkie emango ezelako soldata osagarriak edo ordainsariak.

26.3. Modalitate honetako laguntzak bateragarriak dira beste entitate finantzatzaile batzuek emandakoekin, baldin eta jarduera burutzeko finkatutako aurrekontu osoa gainditzen ez bada, deialdi honen helburuak eta xedeak eta kontrakoa esan dezaketen gainerako deialdien xedapenak eragotzi gabe.

27. oinarria. ESKAERAK AURKEZTEKO EPEAK

27.1. Eskarietan honako hauek ageriko dira:

- a. Eskaera, inprimaki normalizatuan.
- b. Talde eskatzaileko bi kideren curriculum osoa.
- c. Taldeko kide guztiek sinatutako zinpeko aitortpena, non adieraziko baita eskatzailea ez dagoela deialdi honetako 2. oinarrian aurreikusitako egoeraren batean.

27.2. Eskariak aurkezteko epea: ikus deialdi honetako 35.1 oinarrian xedatutakoa.

27.3. Laguntza hauek jasotzeko hautagaiek eskaera dokumentuen bi kopia bidaliko dituzte:

- a. Ale bat, modu telematikoan, helbide honetara: convocatorias.dgi@ehu.eus.
- b. Beste bat, paperean erregistro bidez, helbide honetara:

Ikerketaren arloko Errektoreordetza
Deialdi atala
Errektoregoaren Eraikina
Leioa

28. oinarria. ESKABIDEAK EBALUATZEKO IRIZPIDEAK

28.1. Eskatutako ekintzak ondo justifikatu behar du zergatik ezin den beste deialdi publiko batzuen bidez finantzatu. Irizpide hori bete egin behar da, finantzaketa lortu nahi bada.

28.2. Irizpide hauen arabera egingo da balorazioa:

- a. Proposamenaren kalitate zientifikoa eta teknikoa (helburuak, eduki berritzailea, metodologia, lan plana...), eta haren bideragarritasuna, talde eskatzailearen ikerketarako ahalaren arabera (40 puntu).
- b. Eskaeraren arduradunak eta gainerako taldekideek aurrez eginiko ikerketa jarduera eta jarduera horren kalitatea. Talde eskatzailearen kalitatea, tamaina, osaera eta dedikazioa balioetsiko dira (30 puntu).
- c. Eskatutako baliabideak proposatutako helburuetara egokitzea (30 puntu).

Finantzazioa jasotzeari begira, eskaera hautagarria izan dadin, eskaerak 75 puntu lortu behar ditu, gutxienez.

VI. MODALITATEA. Ikertzaileen mugikortasuna, zientzia, teknologia eta berrikuntzarako euskal sareko eragileetan (ZTBES) 15-90 egunetako egonaldiak egiteko.

29. oinarria. EGONALDIEN HELBURUA

Honako modalitate honen bidez, erraztu nahi da UPV/EHUko ikertzaileek egonaldiak egin ditzatela zientzia, teknologia eta berrikuntzarako euskal sareko eragileetan, unibertsitatearen eta enpresa edo bestelako eragileen arteko jakintza eta esperientzien elkartrukeari bide emanez.

30. oinarria. EGONALDIEN EZAUGARRIAK

30.1. Egonaldiak 15 eta 90 egunen arteko iraupena izango du eta helburu argi bat planteatuko da, non unibertsitate lankidetzak beharrezko izango baita, elkarren intereseko prozedurak berritu edo problemak ebazteko.

30.2. Ikertzaileek bakoitzak deialdi honetako laguntza eskari bakarra aurkeztu ahal izango du, indarrean dirauen bitartean.

31. oinarria. ESKATZAILEEN ETA MUGIKORTASUNERAKO HARRERA GUNEAREN EZAUGARRIAK

Ikertzaileek laguntza hauek jaso ahal izango dituzte, baldin eta UPV/EHUrekiko enplegu loturaren motaren baldintzak eta 31.1 eta 31.2 ataletan jasotako baldintza partikularrak betetzen badituzte.

31.1. UPV/EHUrekiko lotura motak:

- a. UPV/EHUekin lotutako lan kontratudunak edo funtzionarioak, UPV/EHUⁿ kontratatuta dauden Ramón y Cajal programako langileak, UPV/EHURA atxikita dauden Marie Curie programako, Ikerbasque programako langileak, UPV/EHU-CSIC gune mistoetako doktore atxikiak eta irakasle atxikiak. Lanaldi osora egongo dira guztiak.
- b. Langile ez iraunkorrak, UPV/EHUⁿ gutxienez urtebete daramatenak, haien kontratu lotura UPV/EHUekin indarrean egongo bada, gutxienez, mugikortasuna amaitu arte.

Ondorio horretarako, besteak beste, hauek hartuko dira langile ez iraunkortzat:

- i. UPV/EHUren deialdietako doktoratu ondoko ikertzaileak.
- ii. Zientzia, Teknologia eta Berrikuntzari buruzko 14/2011 Legearen 21. (doktorego aurreko kontratuak), 22. (doktoreak) eta 23. (itzal handiko ikertzaileak) artikuluetan ezarritako kontratu modalitateen bidez UPV/EHUekin lotura duten ikertzaileak.

Ezin izango dute deialdi honetan parte hartu arduraldi partzialean diharduen irakasleek.

31.2. Eskatzaileen baldintza partikularrak:

1. UPV/EHUⁿ egiten ari den ikerketa proiekturen batean edo ikerketan diharduen ikertzailearen batean aritzea, finantzatuta edo finantzatu gabe egonik, ikerketa proiektu hori UPV/EHUren berezko deialdietakoa edo beste hauek egindako deialdietakoa izanda: Eusko Jaurlaritzak, I+G+b Plan Nazionala edo Europar Batasuna. Eta UPV/EHU denean proiektuaren finantzazioen onuraduna izanda.

Doktore aurreko eta ondoko laguntzak ez dira proiektu aktibotzat joko baldintza hori betetzeari begira. Salbuespen bakarrak Ramón y Cajal eta Juan de la Cierva ("Inkorporazio" modalitatea) programaren deialdietako laguntzak izango dira, proiektu jakin bat garatzeko finantzaketa barne hartzen baitute, kontratuaren beraren finantzaketaz gain.

2. Mugikortasunak, gutxienez, udalerritik aldatzea ekarri behar du, hortaz, ez da finantzatuko eskatzailearen langunea daukan udalerririk berean kokatutako guneetan egindako egonaldirik.
3. Programa honetako laguntzarik ez izatea, ez eta ezaugarri bertsuko beste batekorik ere.

31.3. Harrera erakundearen eta UPV/EHUko ikertzailea hartuko duen pertsonaren ezaugarriak.

1. Harrera erakunde izango dira laguntzen onuradunek proiektua egonaldian zehar lantzeko darabiltzaten guneak, diru laguntzarako eskarian aurkeztutako proiektuaren eremu zientifikoan jarduerarik egiten duen ZTBESeko edozein eragile, beti ere proiektuaren zientzia helburuak eta hobetze profesionalak lortu ahal izateko berme eta bitarte bada, Eragile dira honako hauek:

- a. Eragile bakanak.
 - b. Unibertsitateetako ikerkuntza egiturak.
 - c. Oinarrizko eta bikaintasunezko ikerkuntzak.
 - d. Zientzia, teknologia eta berrikuntzaren zabaltzeko eragileak.
 - e. Osasun ikerkuntzarako institutuak (OII).
 - f. Osasungintzaren I+G antolakuntza.
 - g. Teknologia gune foku aniztunak.
 - h. Teknologia gune sektorialak.
 - i. Ikerketa kooperatiboko guneak (IKG).
 - j. Enpresarako I+G unitateak.
 - k. Eskaria/eskaintza bitartekaritza eragileak.
2. Harrera erakundeak inskribaturik beharko du egon, eskaria aurkezten denean, ZTBESren erregistroan: <http://www.industria.ejgv.euskadi.eus/registro-rvcti/>
3. Harrera erakundearen arduradunak ikerketa edo berrikuntza esperientzia handia izango du, ikerketa arlo jakin horretan.

32. oinarria. LAGUNTZEN ZENBATEKOA ETA IZAERA

32.1. Laguntzak bi kontzeptu ditu:

- a. Mantenu kostuak: Gehienez, 21 euro ordainduko dira egonaldiko lanegun ziurtatu bakoitzeko, hasieran baimendutako aldia kontuan hartuta.
- b. Joan-etortzeko kostuak: UPV/EHUko Irakasle-ikertzaileen arloko errektoreordeak eta gerenteak UPV/EHUko zerbitzu ordainei eta ordezkariak gastuei buruzko zehaztapenak ezartzen dituen 2018ko otsailaren 5eko erabakiaren arabera kalkulatuko dira.

32.2. Laguntza hauek bateraezinak dira helburu bera izango duen beste edozein laguntzarekin.

33. oinarria. ESKAERAK AURKEZTEKO EPEAK

33.1. Eskaera ikertzaileak egin beharko du bere izenean, eta atxikita dagoen saileko edo institutuko kontseiluaren onespena izan beharko du.

33.2. Eskarietan honako hauek ageriko dira:

- b. Eskaera, inprimaki normalizatuan, gutxienez, mugikortasuna hasi baino hilabete bat lehenago aurkeztu beharko dena.
- c. Harrera erakundearen arduradunaren onarpen gutuna. Gutun hori eskuz sinatuta egongo da, edo baimendutako sinadura digitala izango du. Ez dira onartuko, inola ere, eskaneatutako gutunak.
- d. Harrera gunean harrera egingo duen ikertzailearen curriculuma. PDF formatuan aurkeztuko da, ez bestela.
- e. Irakasle-ikertzaileen arloko Errektoreordetzari lizentzia eskatu izanaren frogagiria.
- f. Prestakuntza bidean dauden ikertzaileek doktorego tesiaren zuzendariaren edo zuzendarien baimena aurkeztu beharko dute eta ikertzaile kontratuek (IK) proiektuaren ikertzaile nagusiaren baimena.
- g. Ikertzaile eskatzailearen curriculuma.
- h. Zinpeko aitortpena, non adieraziko baita eskatzailea ez dagoela deialdi honetako 2. oinarrian aurreikusitako egoeraren batean.

33.3. Eskariak aurkezteko epea: ikus deialdi honetako 35.1 oinarrian xedatutakoa.

33.4. Laguntza hauek jasotzeko hautagaiek eskaera dokumentuen bi kopia bidaliko dituzte:

- c. Ale bat, modu telematikoan, helbide honetara: convocatorias.dgi@ehu.eus.
- d. Beste bat, paperean erregistro bidez, helbide honetara:

Ikerketaren arloko Errektoreordetza
Deialdi atala
Errektoregoaren Eraikina
Leioa

34. oinarria. ESKABIDEAK EBALUATZEKO IRIZPIDEAK

Honako hauek dira esleipendunak hautatzeko kontutan hartuko diren alderdiak:

- a. Harrera gunean harrera egingo duen hartzailearen curriculum (20 puntu).
- b. Eskaera egin duen ikertzailearen curriculum, kolektibo bakoitzaren kategoria profesionalaren arabera kalkulatu dena (40 puntu).
- c. Egonaldian egin beharreko ikerketa jarduera/proiektuaren balioespena (40 puntu).

Finantzazioa jasotzeari begira, eskaera hautagarria izan dadin, eskaerak 75 puntu lortu behar ditu, gutxienez.

LAGUNTZAK EMATEKO PROZEDURA OROKORRA

35. oinarria. ESKAERAK AURKEZTEKO EPEAK

35.1. Deialdi honetako modalitate ezberdinak irekita mantenduko dira hurrengo deialdia argitaratu arte, egungo deialdia baliogabetuko duena, edo erabilgarri den kreditua agortu arte, hala gertatuko balitz, argitaratu eta jakinaraziko dena, oro har, jakin dadin.

35.2. Modalitate guztietan, dagokion eskaerarekin batera, zinpeko adierazpena aurkeztuko da, 2. oinarrian ezarritako egoeraren batean ez gotearen berri emateko.

- a. I., II., III. eta VI. modalitateetan, adierazpena laguntzaren eskatzaileak sinatuta egongo da.
- b. IV. eta V. modalitateetan, adierazpena jarduera egingo duen taldeko kide guztiek sinatuta egongo da.

36. oinarria. LAGUNTZAK GESTIONATZEKO ORGANOAK

Ikerketaren arloko errektoreordeak, Ikerketarako zuzendaritzaren bidez, deialdi honetako I., IV., V. eta VI. modalitateetan aurreikusitako laguntzak kudeatuko ditu; Ikerketaren arloko errektoreordeak, Nazioarteko I+G bulegoaren bidez, III. modalitatekoak kudeatuko ditu; eta, campuseko errektoreordetzek, berriz, II. modalitateko laguntzak kudeatuko dituzte.

37. oinarria. ESKARIEN TRAMITAZIOA ETA BALIOESPENA

37.1. Deialdiko modalitate guztietarako eskaerak edozein unetan aurkez daitezke, deialdia indarrean dagoen bitartean.

Hala ere, laguntzak eman edo ukatuko dira, horiek onartzeko moduaren arabera:

- a. I., IV., V eta VI. modalitateetarako eskariak. Ikerketa, Garapen eta Berrikuntza Batzordeak ebaluatzen ditu; hortaz, horiek berrikusi ahal izateko, batzordea noiz biltzen den hartu beharko da kontuan, Batzordearen barne araudian ezarritakoaren arabera.
- b. II. eta III. modalitateetako eskaerak. Eskaeren inguruko erabakia campuseko errektoreordetzek eta Ikerketaren arloko Errektoreordetzak ematen dute, zuzenean, eta, horrela, azkar erantzun dakieke jasotako eskaerei.

37.2. Aurkeztutako eskaerak ebaluatzeko, modalitate bakoitzeko ataletan zehaztu diren irizpideak erabiliko dira. Hala behar izanez gero, kanpo ebaluazioak egingo dira, jakintza arlo bakoitzeko aditu independenteen bidez.

37.3. Ebaluazio prozesuan eskaerak ebaluatzeaz arduratzen den organoak edo, hala badagokio, kanpoko ebaluatzaileek hala proposaturik, aurkeztutako eskaeretan aldaketak egitea proposatu ahal izango die eskatzaileei, deialdi honen helburuetara hobeto egokitzeko. Ebaluazio prozesuan ikertaldeko buruari ebaluatzaileekin biltzeko eskatu ahal izango zaio, eskaeraren inguruko azalpen eta xehetasun gehiago emateko.

37.4. Ebaluatzaileen ustez aurrekontu handiegia behar duten eta proposatutako iturrietatik diru laguntza lortzea zail duten eskaerei laguntza ukatu ahal izango zaie.

37.5. Ikerketaren arloko Errektoreordetzak egindako deialdietan, ikertzaileek UPV/EHUren bi hizkuntza ofizialetako edozeinetan edo ingelesez aurkeztu ahal izango dute dokumentazioa.

38. oinarria. EBAZPENA

38.1. I., IV., V. eta VI. modalitateetan parte hartuko duen UPV/EHUko Ikerketa, Garapen eta Berrikuntza Batzordeak, ebaluazioa egin ondoren, Ikerketaren arloko errektoreordeari aurkeztuko dio laguntzak esleitzeko proposamena.

38.2. II. modalitateari dagokionez, campusetako errektoreordetza bakoitzean eratutako batzordeek, ebaluazioa egin ondoren, campusetako errektoreordeei aurkeztuko diete laguntzak esleitzeko proposamena. Deialdi hau gehienez bi hilabeteko epean erabakiko da, eskaerak aurkezteko egunetik zenbatzen hasita. Aipatutako epean berariazko ebazpenik eman ez bada, eskaerak ezetsi egin direla ulertuko da.

38.3. III. modalitateari dagokionez, Nazioarteko I+G Bulegoak laguntzak esleitzeko proposamena bidaliko dio Ikerketaren arloko errektoreordeari, hamabost eguneko epean gehienez, eskaerak aurkezteko egunetik zenbatzen hasita. Aipatutako epean berariazko ebazpenik eman ez bada, eskaerak ezetsi egin direla ulertuko da.

38.4. Ikerketaren arloko errektoreordearen edo campusetako errektoreordeen erabaki nominalaren bidez jakinaraziko zaio ikertzaile bakoitzari eskaera onartu zaion ala ez, eta baiezkoen kasuan, zenbateko laguntza emango zaion. Eskatzen badute, ebaluatze eta hautatzeko irizpide bakoitzean lortutako puntuazioaren berri emango zaie eskatzaileei. Nolanahi ere, ezespren partzial zein osorik daramaten erabakiak arrazoituak izango dira.

38.5. Adjudikazioaren gaineko erabakian, emandako laguntza bakoitzari buruz honako hauek aipatuko dira:

- Ikertzaile nagusiaren izen-deiturak.
- Ikertzaile nagusiaren saila edo institutua.
- Jardueraren izenburua.
- Jarduerak iraungo duen urte bakoitzerako esleitutako zenbatekoa, urtebetetik gorakoak badira.

38.6. Aipatutako erabakiaren kontra, berraztertze errekurtsoa jarri ahal izango da berori hartu duen organoaren aurrean hilabeteko epean Administrazio Publikoen Administrazio Prozedura Erkidearen 39/2015 legearen 123. eta 124. artikuluetan zehaztutakoari jarraituz. Era berean, aipatu ebazpenaren kontrako administrazioarekiko auzi errekurtsoa jarri ahal izango da, bi hilabeteren epean, jakinarazpena egin eta hurrengo egunetik hasita.

39. oinarria. DIRU LAGUNTZA ORDAINTZEKO BALDINTZAK

39.1. I. modalitatean, esleitutako zenbatekoaren % 75 ordainduko zaio eskatzaileari, emateko erabakia argitaratu ondoren. Gainerakoa jarduera egin, eta gastuen justifikazioa aurkeztu eta onetsi ondoren ordainduko zaio.

Eskaera aurretiko bi hilabeteren ondoren aurkeztuz gero, % 75eko aurrerakina jasotzeko eskubidea gal daiteke, horren likidazioa egonaldia amaieran zuzenean eginda.

39.2. II. modalitatearako, laguntzaren ordainketa gastuen justifikazioa aurkeztu ondoren egingo da. Ikertzaileek justifikazioa aurkezteko hamabost egunen epea izango dute, bidaiak egin eta gero. Gehieneko zenbatekoa erabakian adierazitakoa izango da.

Egindako gastuak justifikatzeko, dokumentu hauek aurkeztuko dira:

- i. Egindako gastuaren ziurtagiri originala.
- ii. Behar denean, nazioarteko plataformetan lortutako emaitzen txosten laburra.

39.3. IV. modalitatean, diru jarduera kudeatzeko ORGANIKOARI esleitutako zenbatekoaren % 75eko kreditu zuzkiduran zehaztuko da laguntza, erabakia argitaratu ostean. Gainerako zenbatekoa modu proportzionalan emango da benetan jasotako kuotei eta babesletza pribatuei buruz 19.e atalean zehaztutakoaren araberrako sarrerekiko, deialdi honetako 21.4. atalean ezarritako mugak albo batera utzi gabe.

Jarduera burutzen denean eta amaierako txostena eta eginiko gastuen justifikazio osoa aurkeztu ostean, sarreraren eta gastuen balantzea egingo da, eta jarritako kreditutik erabili ez den diru kopurua Ikerketaren arloko Errektoreordetzaren deialdi bereko diru laguntza berrietan erabiliko da.

39.4. V. modalitatean, diru jarduera kudeatzeko ORGANIKOARI esleitutako zenbatekoaren % 100eko kreditu zuzkiduran zehaztuko da laguntza, erabakia argitaratu ostean. Jarduera burutzen denean eta amaierako txostena eta eginiko gastuen justifikazio osoa aurkeztu ostean, sarreraren eta gastuen balantzea egingo da, eta jarritako kreditutik erabili ez den diru kopurua Ikerketaren arloko Errektoreordetzaren deialdi bereko diru laguntza berrietan erabiliko da.

39.5. VI. modalitaterako, laguntza, jarduera egin eta gastuen justifikazioa aurkeztu eta onetsi ondoren ordainduko zaio. Egindako gastuen justifikatzeko, aurkeztu beharreko ziurtagiriak aurkeztuta egingo da, egonaldia amaitu eta hilabetearen epea amaitu baino lehen agertuz. Gerora aurkeztuko balira, diru laguntza gal liteke. Honez gain, harrerako ikerketa gunearen ziurtagiri bat aurkeztu beharko da. Bertan, egonaldiaren datak adieraziko dira, eta gauzatutako jardueren deskribapen labur bat.

39.6. I., II., III. eta VI. modalitateetan eginiko gastuen justifikazio gisa, laguntza eskatu dutenek eginiko ordainketen agiriak aurkeztu beharko dira:

- a. Bidaia: txartelak, ontziratze txartela eta tiket originalak eskatuko dira horiek ziurtagiri gisa, eta horien faktura edo ordainketa frogagiriak.
 - I. modalitatean ez dira bidaia txartelak onartuko egonaldia hasi baino 15 egun lehenagokoak edo horren aurrekoak badira, edo egonaldia amaitu eta 15 egun igaro ondorengoak badira.
- b. Ez da onartuko ibilgailuak alokatzeko egindako gasturik.
- c. Ibilgailu partikularra erabiliz gero, egiaztagiri gisa gorde beharko dira autopistetako agiriak edo antzekoak, hau da, joan-etorri horiek justifikatzen dituztenak.
- d. III. modalitaterako, lehen esandakoaz gainera, ostatu eta mantenu gastuen ziurtagiriak aurkeztu beharko dira, norako herrialde bakoitzean baimendutako gehieneko mugak kontuan hartuta.

40. oinarria. JARRAIPENA

40.1. Ikerketaren arloko Errektoreordetzak antolatuko du, Ikerketaren Gestio Zuzendaritzaren bidez, diruz lagundutako eskaeren jarraipena egiteko prozedura.

40.2. Amaierako txostena. Laguntzaren xede den jarduera amaitu eta hurrengo hiru hilabetetan (IV. modalitatean izan ezik, non epea 6 hilabeterena izango den), amaierako txosten bat egingo dute horretarako emango den inprimaki batean. Ikertzaile nagusiak sinatu beharko du txostena, eta haren sail edo institutuko zuzendariak onespina eman beharko dio. Amaierako txostenean jarduera horretan eginiko gastu guztiak eta gastu horien frogagiriak jasoko dira.

I. modalitateko laguntzei dagokienez, harrerako ikerketa zentroaren ziurtagiri bat aurkeztu beharko da. Bertan, egonaldiaren datak adieraziko dira, eta gauzatutako jardueren deskribapen labur bat.

40.3. Amaierako ebaluazioa. Azken txostena entregatu ondoren, lortutako emaitzen ebaluazioa egin ahal izango da.

40.4. Aldaketak. Jarduera egin duen taldeko kideak edo helburu orokorrak aldatu badira, proposatutako aldaketentzat hitzemandako diru laguntzak aldatu edo ezeztatu behar diren ala ez erabakiko da, IGBBk dagokion txostena egin ondoren.

40.5. 34.5. IV. eta V. modalitateetarako, gastua modu deszentralizatuan egingo denez, faktura originalak jarduera gauzatzeaz edo biltzarra antolatzeaz arduratuko den ikertzaile nagusiaren sailean edo institutuan artxibatuko dira, eta eskuragarri egongo dira Ikerketaren arloko Errektoreordetzak, UPV/EHUko barne auditoretzako zerbitzuak, kontrol ekonomikorako bulegoak eta Herri Kontuen Euskal Epaitegiak informazioaren bat eskatzen dutenerako edo egiaztapenen bat egin nahi dutenerako deialdi honen kargura jasotako laguntzei buruz.

Inola ere ez da fotokopiarik onartuko jatorrizko agiriak galtzeagatik.

40.6. Jarduera gauzatzeko epearen barruan egindako gastuak besterik ezin izango zaio egotzi proiektuari; hau da, epe horretan egiazki egindako erosketak, bidaiak, lanak, eta abar.

41. oinarria. EMAITZEN USTIAKETA ETA KOMUNIKAZIO ZIENTIFIKOA

41.1. Ikerketaren emaitza guztietan (argitalpenak, patenteak, prototipoak edo erabilgarritasun ereduak), baita sortutako jakintza zabaltzeko eta ustiatzeko komunikazio zientifikoko ekintza guztietan ere (txostenak, hitzaldiak, biltzarrak eta ekitaldi zientifikoak), ikertzaileek UPV/EHUekin duten lotura adieraziko dute eta erakundearen irudi korporatiboa agertuko da, Unibertsitateak ezarri moduan.

41.2. Ikertzaileak zein erakundetakoak diren jasota agertzeaz gain, esker onen atalean zehaztuta ageri beharko da ikerketa hori aurrera eramateko finantzazioa eman duten erakundeen zerrenda.

41.3. Ikerketa jarduerak aurrera eramanez, potentzialki patentagarriak edo jabetza intelektuala beste elementuen bidezko babesa jaso beharreko emaitzak sumatuko balira, emaitza hauek ikerketako errektoreordetzari jakinaraziko zaizkio, beren erregistroa egin dezan, pertsonal espezializatuak honela iritziko balio. Erregistroa eginez gero, UPV/EHU izango da patenteen eta jabetza intelektuala daukaten gainerako objektuen titularrak, eta asmakuntzan parte hartu duten ikertzaileak asmatzaile gisa aitortuko dira. Erakunde edo eragile sozialekiko lankidetzan burututako proiektuen kasuan, titulartasun partekatua edo kasu bakoitzerako ustiapen eskubide espezifikoak negoziatuko dira, erakunde bakoitzak jarritako baliabide guztien proportzioan.

42. oinarria. SUBENTZIOA EMATEAREN BALDINTZEN ALDAKETA

42.1. Ikertzaileei diru laguntza emateko kontuan hartu diren baldintzak aldatzen badira, betiere diru laguntzaren helburua bete dela ulerturik, eta ikertzaileek diru laguntzarik jasotzen badute beste erakunde publiko edo pribatuen batetik, horrek bere garaian diru laguntza emateko onartutako ebazpena aldatuko duen ebazpena ekar dezake. Bertan, ondorengoak ezar daitezke:

- a. Modalitate guztietako laguntzetan, jarduerari esleitutako aurrekontua murriztea.
- b. I., II., III. eta VI. modalitateetan, eskatzaileak jasotako laguntza guztia edo zati bat itzultzea.

42.2. Horretarako, dagokion administrazio prozedura burutuko da, eta gero, Ikerketa, Garapen eta Berrikuntza Batzordeak proposamena edo txostena eginda, erabakia emango da, abenduaren 17ko 698/1991 Dekretuaren 4. oinarriari jarraiki. Erabakia jarduera gauzatzen duen ikertaldeko ikertzaile nagusiari jakinaraziko zaio, IV. eta V. modalitateen kasuan, eta laguntzaren titularrari, berriz, I., II., III. eta VI. modalitateen kasuan.

42.3. Honako kasu hauetan ulertuko da diru laguntza jasotzeko baldintzak aldatu direla:

- a. Laguntza eman zen mugikortasunari uko egiten zaionean edo, hala behar bada, ikertzaile nagusiak jarduera egiteari uko egiten dionean, edo UPV/EHU ez den beste erakunde batera lekualdatzeak edo Euskal Autonomia Erkidegotik kanpo eramateak arriskuan jar dezakeenean ekintza bera egitea eta aurreikusitako helburuak lortzea.
- b. Ekintza berberera egiteko beste iturri batetik heldutako diru laguntza pilatzen denean, edo behar adina justifikatu gabe ekintza beraren aldakiak aurkezten zaizkienean beste erakunde edo zentro publiko nahiz pribatu batzuei diru laguntza jasotzeko, alde aurretik Ikerketaren arloko Errektoreordetzari horren berri eman gabe.
- c. Deialdi honetako oinarriak, guztiak edo batzuk, modu larrian urratzea.
- d. Eskaeran datuak ezkutatu, aldatu edo moduren batera edo bestera manipulatzeko.
- e. Gastu bera aurrekontuko atal organiko bati baino gehiagori egozte.
- f. Jarduera finantzatzeko xedez egindako deialdien barne ez dauden gastuak egitea UPV/EHUK kontrataziorako ezarritako prozedura zentralizatuak bete gabe.

43. oinarria. LAGUNTZA ESKURATZEN DUTENEN LEGEZKO ERANTZUKIZUNA

Deialdi honetan jasota ez dagoen guztirako, Diru Laguntzei buruzko azaroaren 17ko 38/2003 Lege Orokorrean ezarritakoari jarraituko zaio, besteak beste, diru laguntzak itzultzeari buruzko xedapenei eta arau hauste eta zigorrei buruzko arauari.

Aurreko ondorioetarako, ulertuko da Diru Laguntzei buruzko Lege Orokorrean aipatzen diren beste administrazio batzuetako organo zehatzen inguruko aurreikuspenak eskumen baliokideak dituen unibertsitateko organoak (edo honen ahalik eta antzekoenak dituen organoak) ari direla.

AZKEN XEDAPENETATIK LEHENENGOA

Deialdi honen aurka, zeinak administrazio bidea agortzen baitu, administrazioarekiko auzi errekurtsua jarri ahal izango da Bilboko Administrazio Auzietako Epaitegiaren aurrean, hura argitaratu eta hi hilabeteko epean. Aurrekoa gorabehera, nahi izanez gero, berraztertze errekurtsua aurkez daskioke Ikerketaren arloko errektoreordeari, deialdia argitaratu eta hilabeteko epean, 39/2015 Legearen 123. artikuluari jarraituta.

AZKEN XEDAPENETATIK BIGARRENA

Honako deialdi hau Ikerketaren arloko Errektoreordetzaren webgunean argitaratzerakoan sartuko da indarrean.

Leioa, 2019ko otsailaren 28an.

José Luis Martín González
Ikerketaren Arloko Errektoreordea
Vicerrector de Investigación